

ratione. ibi. Redemisti. Inde ipsi dē dīu
de pturbatione sua agentes. ibi. Misere
re mei. Prophete aut vox interponit p
pe finē et in fine. ibi. Quā magna. et ibi.
Diligite dō. In hac tñ tanta varietate:
nō mutat vox: sed caput et membra ead
voce ptunt. dicendo ego me mibi. quod
fit propter nimia vnitatē capitis et cor
poris. i. Christi et ecclesie. sponsi et spon
se: quā facit charitas. Sicut eñ lingua
omniū membrorū suscipit vocē dicens.
p pede calcas me. non dicit calcas pedē
et pro manu vulneras me: non ait ma
nū meam vulneras. Sic Christus mem
broz verbis vti nō inagruere non se di
uidens a verbis nostris. Qui eñ digna
tus est pro nobis homo fieri et forma f
ui vestiri nō dedignat nos transfigurare
i se. quod vtiqz facit pluribus modis scz
dū vel aliquid dicit vel facit ad informa
tionē membrorū. vt qñ ieiunauit et ora
uit et tentatus est. vel qñ in psona mem
broz loquit. vel de membris in sua per
sona dicit: vt Saule Saule quid me per
sequeris. vel qñ aliquid in se ostendit. i.
quod non habz ex natura sue pditionis
sed misericorditer assumpsit de corrupti
one nostre infirmitatis vt cū dicit se tri
stari vel pauere et huiusmodi. Qui er
go sic nos transfigurauit in se non dedi
gnatur loqui verbis nostris. vt et nos
loquamur suis. Hec est diuina pmuta
tio. et diuina sunt hec pmerita celebrata
in hoc mundo a negotiatione celesti. ve
nit eñ celestis negociator accipere p
tumbas: dare honores: haurire dolorem
dare salutē: subire mortē: dare vitā. Do
riturus ergo ex nostro. i. ex carne nostra
quā habebat nō in se sed in nobis paue
bat quod eñ paues tuuz est: quod spās
donū dei est. Paues vt te agnoscas. spe
ras vt diuinā misericordiam glorifices.
que te in pauore pfolat. Loquitur ergo
hic Christus in propheta et in membris
etsi eñ in hoc psalmo quedam dicantur
que capiti non valeant pgruere christus
tñ loquit quia in mēbris suis Christus
est. Quasi eñ vna psona est sponsus et

sponsa. i. Christus et ecclesia. An Elaias
hanc vnitatē pmendans ait. Sicut spon
so alligauit mibi mitram. et sicut spon
sam ornauit me ornamentis. Se dicit
sponsam et se dicit sponsam propter ex
cellentissimā vnitatē capitis et corporis
quā etiā notauit dñs cū de pugio p
dam loqueret. Propter hoc inquit reli
quet homo patrē et matrem et adhibebit
uxori sue: et erunt duo in carne vna. qd
exponens apostolus. dicit hoc magnū
sacramentū esse in Christo et in ecclesia.
Quia ergo sponsus et sponsa sūt duo i
carne vna. merito duo sunt in voce vna
Incipit ergo ex psona capitis dicentis
ad patrē sic.

Psalmus XXX.

Nte domine speravi non con
fundar in eternum: in iusticia
tua libera me. Ante dō. pater spera
ui fm quod homo nō pfun. i. eternū. i.
nunqz pfundar dum mibi vt homini si
mili ceteris insultat. in iusticia libe. me
de morte. Et:

Inclina ad me aurem tuam: ac
celera ut euras me. Inclina ad me
aurem tuā. i. proxima mibi humili. et ac
celera in faciendis. i. in his que facienda
sunt scz in soluendis animabus de infer
no et huiusmodi et vt eruas me a morte
tercia die resuscitando. ne differas vsqz
in communem resurrectionem. vel in fi
nem mundi segregare me a peccatoribus
quod vt sit.

Esto mibi in deum protecto
rē: et in locum refugii ut saluū
me facias. Esto mibi in deū ptectorē
. i. esto mibi o deus tantus ptector quā
tum decet esse deū. et in domum refugii
vt saluum me facias. i. esto mibi quasi
domus ad quam refugiens saluus fiam
ideo te et non alium quero.

Sequitur.

Quoniam fortitudo mea et
refugium meum es tu: et pro-
pter nomen tuum deduces me
et enutries me.

Quoniam tu es fortis. m. ad tolerandos
persecutores. et tu es refugium m. ad re-
linquendum eos in fine malorum. qui. s. si
nis est per mortem. et propter nomen tuum. i. ut
per me innotescas omnibus gentibus. de-
duces me. vel duxeris mihi. alia lit. i. p.
omnia sequar voluntatem tuam et enu-
me. i. paulatim aggregando mihi sanc-
tos: adimplebis corpus meum. et etiam
de passionibus crues me quod ita ait

Educes me de laqueo quem
absconderunt mihi: quoniam
tu es protector meus.

Educes me de laqueo quem abscon-
derunt mihi. i. de morte leuabis me ad superna. ut
frustra sint iudeorum consilia: educes dico
quoniam tu es pro me. contra quem nulla potest
aduersitas. Unde iam in passione cla-
mant.

In manus tuas commendo spiri-
tum meum. redemisti me domi-
ne deus ueritatis.

In manus tuas commendo spiritum meum. i. potestati tue
commendo cito recepturus. Nota cum hic
loquitur: quod in passione eadem verba protulit
Ex his enim verbis que in cruce christus di-
xit. admonet se in hoc psalmo locutum esse
Deinde populus fidelis passione christi
redemptus. et de resurrectione capitis:
letus dicit gratias agens: redemisti me:
deus deus. non fallens in promissione quod
facis quod promissisti. Possunt etiam prece-
dentia accipi ex persona eiusdem populi.
i. ecclesie. que in exthasi pauens a spe tamen in-
cipit: ita dicens. Domine spauis in te. non
in me ecce spes. Pauor non est isti sine
spe. si enim est turbatio non deest diuina con-
solatio. et ideo non desunt in eternum.
Illa enim confusione phorresco que est in eternum
Est enim quedam confusio temporalis que est ad horam
quod quidam prode. s. per turbationem animi respicietis

peccata sua. et respectus horretis et hor-
rore erubescitis. et rubore corriget tibi et
confusio vultus iste confusio. s. non eterna. quam libari
precat subdes in tua iustitia. m. i. in ea iu-
sticia quam datur mihi libera. quod mea non in-
uenis. nisi superbia et falsa. vnde dicit. Igno-
rantes dei iusticiam. et suam volentes consti-
tuere. iusticie dei non sunt subiecti. Si ergo
attendas ad iusticiam meam. damnas me
hominis iusticia est quam suis iuribus putat se
iustificari. non querens gratis saluari quis
est qui saluat gratis: in quo non inuenit
saluator quid coronet: sed quid daret.
non inuenit merita bonorum. sed merita sup-
pliciorum. si ageret tanquam districte. damna-
ret peccator. et si hoc ageret. quem libera-
ret: nullum. Omnes enim peccatores inue-
nit: solus sine peccato in mundum veniens
Gratia ergo dei per iesum christum liberat
gratia quod gratis datur. quare gratis: quare datur
quia merita tua non precesserunt. sed benefi-
cia dei preuenerunt. ideo ait. in iustitia. t. l. i.
m. i. ideo me liberet. quod me iustificat. i. ex
ipso facit pius. ex iniquo iustum de ceco
videntem. Sequitur. Inclina ad me. a. t. i. i.
miam tuam. Hoc fecit deus quoniam filium misit
que enim maior mia. quam ut unicum filium da-
ret pro nobis: Ecce hic oratio. sicut in prin-
cipio psalmi premissa est spes. Sequitur ac-
ce. ut eru. m. a malis. Accelera dicit. i. ut
notet quod non est diu illud quod finis. et quod ti-
bi tardum est et longum in oculis dei bre-
ue est. Adhuc orando dicit. Esto mihi in
deum. protege me ut decet te deum
meum. esto mihi in deum. re. quod refugio ad
te cum periclitor. Sunt alij qui fugiunt ad
te. cum tamen latere te non possunt. sed quo-
cumque diuertant deum iratum inueniunt
vnde alibi. Quo ibo a spiritu tuo. et quo a-
fa. Nihil ergo restat nisi a te fugere: non
a te. cuius oculis omnia nuda sunt. At-
tende ordinem orationis quomodo ascen-
dit. Dixit enim iusticiam dare a peccatis eru-
e protege. Sic dicit. esto domus refugij
Domus refugij est ecclesia. in qua sunt
salui homines ut in archa noe salui fue-
runt et est. Esto mihi in domum refugij
id est esto mihi refugium in domo eccle-

sic. ita vt sal. me fa. ideo te nō aliū quero
Quā tu nō alius es for. mea et refu. meū
 i hoc expositōne nō indiget. et prop. no.
 tuū nō propter meritū meū. nō quia sū
 dignus. sed vt tu glorificeris. dedu. me
 vel dux mibi eris ne aberrē a te et enutri
 es me vt valid⁹ sum ad capiēdū escā q̄ pa
 scis angelos. hoc eīn nos lacte nutruit
 qui nobis celestē cibū promisit. et vsus ē
 materna misericordiā. **M**ater eīn lactās
 paruulū escā cui mandende idoneus in
 fans nō est p carnē trahit. et lac infun
 dit paruulo. **H**oc idē accipienti ab vbe
 ribus matris: quod accepturus erat ad
 mensam. sic dñs sapientiā suā qua pascū
 tur angeli. vt lac nobis faceret. carne in
 dutus venit ad nos: vt grandī cibo an
 geloꝝ in lac puerfo alatur paruulū: vt
 tandem eodē restituamur validi. **E**t at
 tende q̄ hic affirmat liberationē de qua
 etiā subdit. **E**duces me de la. **L**aqueū vo
 cat insidias et tentationē diaboli. qui p
 duas portas tentat scz cupiditatis et ti
 moris. **P**er cupiditatis portā tentauit
 pmo **C**hristū tribus modis scz de gula:
 auaricia et vana gloria: quā portā cū in
 uenisset clausam postea tentauit eundē
 p timorē passionis. et ita p eadē por
 tas tentat omnes sanctos. **E**n totū cor
 pus **C**hristi dicat. **E**duces me de la. quez
 abscon. mibi. **E**l de muscipula quā oc
 cul. mibi. i. de insidijs quas occulte ten
 dunt diabolus et sui. iō educes qm tu es
 ptec. meus. et vere quia tu dñe deus ve
 ri. rede. me in **C**hristo clamantē. **I**n ma
 tu. com. spi. meū. **D**einde sequit ex pso
 na eiusdē populi.

Odisti obseruantes uanitates:
 superuacue. **O**disti obseruantes. **Q**.
 me redemisti. sed odisti quidē obseruā:
 vani. i. falsā beatitudinē seculi que nō
 tñ vacue sed et supuacue obseruāt. cū
 p vita male quis agit appetendo vani
 tatē. et tñ eandem vitā pōit.

Ego autem in domino sperāui

exultabo et letabor in miseri
 cordia tua. **E**go aut. qui non obser
 uo vana in dō. sperāui. **S**i speras in pe
 cunia vel in honore et sublimitate aliq̄
 humane potestatis. siue in aliquo homi
 ne potente obseruas vanitatē. **I**n his ei
 omnibus temporalibus cuz speras: aut tu
 expiras et ea hic dimittis: aut cum viuis
 omnia peunt et in spe tua deficiis. **U**nde
Esaías. **O**mnis caro fenū: et omnis glo
 ria eius quasi flos feni. **A**ruit fenū et flos
 eius decidit. verbū aut dñi manet in et
 nū. **I**deo ait. **S**pera. in dō: qui nō est va
 nitas sed veritas et vita. **E**t ideo exulta
 bo et letabor in misericordia tua. i qz nō
 fallit nō in mea iusticia. **D**istingue inter
 exultabo et letabor. **E**xultare est cū ma
 gna alacritate animi gaudere. **L**etari tē
 pata animi affectione gaudere. **E**t atten
 de q̄ hic agit de gaudio qd̄ habet ex eo:
 q̄ sperat in dño qui odit vanos.

Quoniam respexisti humilita
 tem meam: saluasti de necessi
 tatibus animam meam.

Quā respexisti. **E**xponit misericordiam.
Q. in hoc apparz misericordia tua. **Q**uā
 respexisti humilitatē meā. i qua me vani
 tati in spe subiecisti et accipit humilita
 tem et pro infirmitate et p ipsa virtute
 humilitatis. et saluasti. **Q**. et quia plag
 tibi humilitas mea. **I**deo saluasti de ne
 cessitatibus animam meam. **N**ecessitates sunt infinite scz
 nescire cor alterius. suspicari nō bene. d
 amico fideli. vel bene de infideli. nescire
 qualis cras eris. nolle mori et tñ mori.
 sequi veteruz psuctudines. **U**nde apo
 stolus. **I**nfelix ego homo. quis me libe
 ret de cor. mortis huius? **Q**ui sic humi
 lis est saluatur in presenti ex parte. in ju
 turo plenarie. **E**l saluasti de necessitati
 bus animam meam timoris qui erat in
 lege scz vt charitate libera seruiat. **E**t vi
 ctis necessitatibus.

Ne cōclusisti me ī māib⁹ ini-
mici: statuiſti in loco ſpacioſo
pedes meos.

Ne cōclu. me. i. non pmiſiſti me cōcludi
ita vt non respirare ī libertatē. in mā.
ini. i. in ptate diaboli. cupiditate vite
illaqueantis. et morte terrētis. a cui⁹ ma-
nibus liberantē qui bene viuunt et bene
moriunt. Qui at male: cōcludū hīc: vt
cū illo in fine damnent. ⁊ ſta. in lo. ſpa.
pe. me. i. ab anguſtijs timoris: in liber-
tatem deduxiſti charitatez meā. ⁊ hoc: in
reſurrectiōe chriſti. ſimili pmiſſa mibi. i.
Jam enī ſacilem feciſti mibi iuſticiā. que
aliqñ difficilis fuit. Certe anguſta via ē
laboranti. lata ē amanti. Eadē que ē an-
guſta lata fit amōe. **U**lpōt dici ex pſo-
na chriſti. Egeo at ī do. ſpa. exul. ⁊ leta.
ī. mī. tu. **Q**m̄ reſp. hu. m. hec de chriſto
patent. qui etiā ſubd. ſal. aīam. m. dīc ne-
ceſ. i. a peccatis quibus homo ſe exol-
uere neq̄. **N**e cōclu. m. in mā. ini. i. in po-
teſtate diaboli. qui nō habz in me quic-
q̄. ⁊ ſta. pe. me. i. affectus. i. loco ſpacio-
ſo. i. i. patria v̄tutū. i. i. charitate que
ē locus ſpacioſus: ⁊ regio beatorū. i. loc⁹
liber a ptate diaboli. ſz quia caro ē in-
firma. ⁊ vrgēt mala: ſubdit ex pſona mē-
broz.

Miſerere mei domine qm̄ tri-
bulor. conturbatus eſt in ira o-
culus meus: anima mea ⁊ ven-
ter meus.

Miſerere mei. **S**ecunda pars in qua iāz
enarratur pauor. id eſt quot et quanta
mala perturbant contra que eſt etiā o-
ratio. **Q**uaſi ſtatuſti in loco ſpacioſo
pedes meos. ſed contra ſunt malī incu-
tientes mibi pauores. **U**nde p̄ceor. **M**i-
ſerere mei domine. ⁊ neceſſe ē. quoniam
tribulor i non dico morior. ſed tribu-
lor. quia de morte iam non terreor. ſed
de cruciatibus ⁊ de malorum ex ceſſib⁹
Mirum videtur quod hīc ait tribulor. i.

cū de manu inimici liberatus paulo āte
gaudebat. quodā infuſo ſibi a largitore
dono dei. ⁊ dicebat. ſtatu. in lo. ſpa. pe.
m. **S**z ſciēdū. q̄ fm alia mēbra ei⁹ dē cor-
poris qd ē eccleſia ibi loquebat: fm alia
hic. **A**lijs enī ē loc⁹ ſpacioſus ex libera-
tiōis gratulatiōe. **A**lijs ex tribulatione:
āguſtia. ſcōm quos ait. qm̄ tribu. adeo
q̄ oculus meus. rōnis cōturbatus ē in
ira. i. ppter irā et furorē pſequentiū. **I**n
ira enī pſecutorū turbat oculus meus. i.
rō. ⁊ aīa mea. i. ſenſualitas. i. et v̄ter me-
us. i. caro mea. **U**el p oculū ⁊ aīam.
ſignificāt doctores ſpūales: quorū doc-
trina alij vidēt. corūq̄ exemplo: alij vi-
uunt. **P**er ventrē: intelligunt infirmi. ⁊
ē. p̄tur. eſt oc. m. in ira. i. hī p quos alij
vident. ⁊ aīa mea. i. hī quoz exēplo alij
viuūt. ⁊ v̄ter meus. i. debiles hos oēs
ponit: vt ab omnibus gradibus quera-
tur deus. hīc eſt conturbatio ⁊ metus
Sequitur.

Quoniam defecit ī dolore vi-
ta mea et anni mei in gemitibus

Quoniam defecit vita mea temporalis
in dolore tormentorum. **Q**uaſi per lon-
gas ⁊ graues paſſiones. ad mortem per-
ducta eſt preſens vita. ⁊ anni mei. id eſt
longa vita durans ad penas ſunt: in ge-
mitibus non morte tolluntur. **E**t: ſequi-
tur.

Infirmata eſt in paupertate
virtus mea et oſſa mea p̄turba-
ta ſunt.

Infirmata eſt virtus mea vel infirmat⁹
eſt vigor meus. alia littera. in pauperta-
vel egeſtate. **A**lia littera. **E**geo enī ſanī-
tate corporis. nec parciſtur cruciatib⁹. **E**-
geo reſolutione et parciſtur mortī. et in
hoc: **I**nfirmata eſt virtus mea. id eſt fi-
ducia mea. et oſſa mea conturbata ſunt.
id eſt firmitas mea p̄turbata ē. **U**el d̄ ira
dei agit. qui irat⁹: exponit ſcōs qm̄q̄ ma-

gnis tribulationibus. **Q.** adeo tribulor
oculus me. .i. intellectus quo te o de-
us contemplabar. tur. est in ira tua anima
mea et venter meus. Iratus enim tur-
basti oculum quem habebam vite. et animam
.i. sensualitatem. et ventrem. i. memoriam qua
tenebam. quid pro me ptuleris. et quid
mibi pmiseris. Intellectus enim turbatur.
et animus confunditur quoniam pericula formidantur
quibus deus sanctos exponit et venter
turbatur. i. memoria que noticias rerum
quasi venter escas recipit. Hec memoria
habens in se reposita promissa dei turba-
tur iminentibus periculis. Unde est turba-
tio et metus. **Q.** in vita mea. .i. confessio fi-
dei et tui nominis o deus deficit in do-
torum et annorum me. i. tempora que hic di-
utius ago sunt in gemitu. non in claris vo-
cibus et vir. mea scilicet virtus animi infir-
ma est ita ut tederet etiam vivere. et hoc in pau-
perie et egestate. i. in indigentia plenitudi-
nis quia humana fragilitas nil boni ha-
bet in se. et ossa mea conturbata sunt. i. fortitu-
do corporis conturbata est. Per hoc osten-
ditur quod nec in anima nec in corpore vlla po-
test esse hominis presumptio. Mel de ira
sua propria agit hic sanctus vir. Ira enim
alia est iniusta alia iniusta: quia alia est
per vicium alia per zelum. Ira iniusta est: quia ira-
scitur quis suis et alienis peccatis videns
homines confitentes deum ore et negantes
moribus renunciantes seculo verbis et non
factis: et videns fratres fratribus insidi-
anter osculum dantes et fides non seruan-
tes. quales gemit iste existens tanquam gra-
num inter paleas: et quasi lilius inter spinas
in quibus prodelet et irascitur ex charitate.
Unde alibi. zelus domus tue come. me.
Et Salomon ait. Melior est manifesta
correctio quam amor absconditus. quia me-
lior est ira et aspera increpatio viri san-
cti aperta quam adulatoris assentatio lenis
veritatem occultans. Unde. Oleum pecca-
ti non impium. caput meum. meliora sunt vul-
nera diligentis: quam fraudulenta oscula o-
diensis. et alibi. Mel distillat de labijs
meretricis. In labijs vero sanctorum mors
est vel gladius quo peccantes feriunt quasi

irati. Bona est hec ira. iniusta autem est illa
que transit in odium. Unde apostolus.
Sol non occidet super iracundiam vestram
Super illam occidit sol que habet odi-
um fratris. hec oculum extinguit. Ira
enim per vicium oculum mentis excecatur. Ira
enim per zelum turbatur. quia et hec percussa
mente contemplationem dissipat que non
est nisi in quieta mente sed inde post pau-
lulum plus proficit ad videndum deum.
ut collirium oculis appositum: prius tur-
bat visum. sed post clariorem reddit.
De hac ira agit iste dicens. Conturbatus
est oculus meus interior in ira. i. propter
iram meam. et anima mea. i. sensualitas
et venter meus. i. omnia interiora mea.
Irascitur enim iste peccatis palearum non tan-
quam occidit in quo extinguere oculus. venter
pro interioribus ponitur. que turbantur quoniam
nec corrigi possunt impii quibus non cla-
mat clare sed intus ingemiscit dicens.
Q. in vita mea deficit in dolore. Vita per-
fectior est perfectior aliorum. Unde apostolus
ait. Nunc vivimus si vos statis in domino.
et ite. Cupio dissolui et esse cum Christo.
Manere autem in carne necessarium est pro-
pter vos. Cum autem videt aliquis ex di-
spensatione sua et ex laboribus suis et
predicatione sua non proficere homines
dolet et ait. Defecit in dolore. vita mea. Vi-
dens non proficere eos quibus predica-
vit et anni mei. i. tempora que hic ago et non
in claris vocibus sed in gemitibus quia
abundat iniquitas multorum et virtus mea
infirmata est in paupertate vel egestate.
quia refrigescit charitas multorum. et os-
sa mea conturbata sunt. i. fortes etiam pro
peccantibus turbati sunt.

**Super omnes inimicos me-
os factus sum opprobrium in-
cinis meis valde: et timor no-
tis meis.**

Su. om. ini. Irte hic ecclesiorum est. i. populi fi-

delis qui ait. factus sū obp. val. sup oēs
inimicos meos idest sup oēs iūquos qui
torquēt p scelerib⁹ suis vsqz ad pfessiōz
scelez suoz. sed hoz obpbrium supero
cuius confessionē nō mors s; cruciatus
sequit. Quibus at fiat obpbriū determi
nat dicens. vicinis meis. i. his qui iā p
ximi sunt: fidei mee: et timor notis meis
.i. iplis notis: timorez incussi. exemplo
horribilis tribulationis. Vel ita. factus
.s. ob. val. et hoc p his inimicis qui sūt.
sup. o. ini. m. i. qui sūt deteriores. oib⁹
alijs inimicis meis. Inimici sūt pagani
et iudei. s; omnib⁹ peiores sūt falsi chris
tiani. Peius enī paganis et iudeis vi
uunt mali christiani. quos ppheta eze
hiel compat sarmentis. Nec enī fundata
in vite preualēt siluestrib⁹ lignis. qz fert
fructū. precisa: solus ignis expectat. cū
d illis: faber aliquid facere non possit. i.
Vitis: christ⁹ ē qui ait. Ego sūz vitis vā
et vos palmites. In hac vite manētes fi
deles fructū salutis ferūt. excisi vō: incē
dio ignis eterni: sūt apti. cuz de paganis
vel etiam iudeis adhuc aliq̄ fieri possit
Eū enī illud qd nodosū. et curuū. et cor
ticosū in eis ē: dolabif: et deplanabitur
poterint venire in vsum spiritalis fa
brice. sicut ligna siluatica structuris edi
ficiorum sunt apta. mali vero christiāi
sicut sunt: ficus male. male valde: sic et
vere boni sunt: ficus bone bone valde. i.
De quibus i hieremia legitur. Quid tu
vides Hieremia? Qui ait. calathos fi
cium. id est ecclesiā ego video ficus bo
nas. bonas valde. et ficus malas: malas
valde. De malis autēz: ait petrus. facta
sunt illis posteriora. deteriora priorib⁹
Melius enī illis erat. non cognoscere
viam iusticie cognoscentib⁹ retro flec
ti. Sunt enī quasi canis reuersus ad
vomitus suum. et quasi sus lota in vo
lutabro luti. Deinde: quibus factus sit
obprobriū subdit. vici. m. s. vl factus sū
val. ob. vici. m. i. iam volentibus cre
dere. qui iam volentes credere: deterriti
sunt: mala vita falsorum christianorū

grauantium nauem. i. ecclesiam. Nec est
nauis petri. que multitudine pisciū gra
uabatur. ita: vt pene submergētur. Isti
sunt mali homines in ecclesia abundan
tes pro quibus timent. et notī. ne omnes
tales sint: et veniunt in suspitione mala:
prope omnes boni. Dicitur enī qua
lis vir erat ille: quomodo cecidit: quō i
uentus est in illa turpitudine: in illo sce
lere: in illo facto malo: Putas ne tales
sunt omnes? Sunt utiqz. ideo subdit. et
timor fac. sum. no. m. Eos dicit notos:
quos dixerat vicinos. Et:

**Qui videbāt me foras fugie
rūt a me: obliuioni datus sum
tanquam mortuus a corde.**

Qui videbant me. i. qui intelligebant i
uisibilem spem meam. fo. fu. a me. i. i ex
teriora. et visibilia ista fugierunt a spe i
uisibilium. et a fide catholica in hereses
et schismata declinauerunt. Hoc maxie
gemendum est et dolendum. qd illi etiā
qui nouerunt qd sit ecclesia: foras fugi
unt. faciēdo schismata. et hereses. et obli
uioni datus sum vel oblitus sum tanqz
mortu⁹ a corde. id est sic in obliuionem
eis veni. et sic obliti sunt me illi. quasi a
corde eorum mortuus sim: Et:

**Factus sūz tāquā vas pdituz
qm̄ audiui uitupationē mul
toz cōmemorātū in circuitu.**

Factus sum tāquam vas perditum. i. i.
visus sum mihi perisse: visibus domini
viuens. et nullum lucrificēs. vel acqui
sitos non retinens. Hoc ideo dico: quo
niam audiui. et tamen tacui. vituperati
onem multorum commemorantium in
circuitu: Multi enī me vituperant. se
quentes circuitum temporalium rerū
et volentes reuertī in patriam meam. i.
Vituperantur enī pro malis christia
nis omnes boni a circumuenientibus et
nunqz intrantibus ad veritatez. Multa
enī mala dicūt i malos xpīāos que male
dca: puerūt ad oēs xpīāos. Qui enī ma
le dic vl reprehēdit aliqn: nō sepat. n̄ dis

cernit malos a bonis. Non dicit. *Ecce* que faciunt mali christiani. sed ecce que faciunt christiani. illi tñ ista dicunt qui circueunt et non intrant. *Quare* circueunt et non intrant: quia vitam temporis amant. non intrant ad veritatem: qz non amant eternitatez temporalibus de diti tanqz rota pstricti. De quibus alibi. *Pone* principes eoz vt rotam. Et alibi. *In* circuitu impij ambulabunt. qui tales nos fideles vitupando: a veritate et ab ecclesia eiscere volunt. *Uñ* subdit. *In* eo dum conuenirent simul aduersum me: accipere animā meam consiliati sunt.

In eo scz vituperio dum pueni. aduer. me et hoc simul. i. omnes nō pauci grauius qz est quod pñlio gerit plurimoz: dñ in quā puenirent pñliati sunt accipe ani. meā. i. facere vt pñliat eis anima mea. quē ne mors liberet pñliū fecerunt quo mori non sinerent. *Sed* ego quid ptra feci? *Quod* pñliū inueni? *Ecce*:

Ego autem in te speravi domi/ ne dixi: deus meus es tu in manibus tuis sortes mee.

Ego autē. *Q.* Illi ita. *Ego* autē inter hec opprobria. inter hec scādala. inter istas seditiōnes. sciens quia potestas talium nulla est: in te do. spera. non in homine. nihil salubrius: nihil securius est qz sperare in dño quia maledictus omnis qui spem suam ponit in homine. *Si* em attendis hominē et ex illo vis pendere spē tuā: adhuc lacte nutriri vis et fies mammotrectus quales dicunt pueri qui diu suggunt quod non decet. *Idoneus* ergo esto ad mēsa vbi validiori cibo pascaris. *Id*eo forte et permisit te deus incidere in malū hominē quez bonū putabas vt in vberē quasi materno amaritudinem inuenires. et ea offensione repellereris et ad cibū validiorem. i. ad deū inuitarer: faciunt em nutrices hec mammotrectis: vt aliqua amara ponant in papillis suis. quibus paruuli offensi ab vberē refi-

liant et ad mensam hynient. *Dicit* ergo tanqz grandiusculus. *Ego* aut in te dñe speravi. in hoc nemo fallit in alijs mutadis sepe fallimur et dixi dño: tu: nō homo quisqz: deus meus es. quia nō mutabilis es. *Non* em proficis vel deficis vt hō. non proficis: quia pfectus. non deficis quia eternus. *Vel* deus meus es. i. saluator meus et nonne me saluū facies qui mō emendas? *Q.* facies vtiqz. et in matu. non hominū. i. in potestate tua atqz notitia tua sunt sor. mee. i. causa et ordo electōnis mee hominibus occultus. *Nō* em video cur me de impijs elegisti. et he sunt sortes mee. *Q.* *Uñ* iustus et occultus ordo electionis apud te est: ego tñ quem hoc latet ad tunicam dñi inconsultē. i. ad vnitatem ecclesie sorte perueni. i. gratia electionis. *Ad* litteram. *Sors* non est aliquid mali sed res in humana dubitatione diuinā iudicans voluntatem. *Nam* et sortes miserunt apostoli. qñ *Judas* tradito dño periit: et tunc cepit queri quis in locum eius ordinaret et electi sunt duo iudicio humano. sed electus est de illis duobus vnus iudicio diuino de duobus pñliatus est deus quē nam illoz vellet et cecidit sors sup *Matthiam*. *Sors* ergo hic accipit quantus ego estimo gratia dei que sine meritis quos vult eligit. et hoc est. in matu. sūt sortes mee. i. gratuita mea electio. quia de dei voluntate et iusticia occulta veit electio mea. *Vel* fm aliam lram. in matu. i. in potestate tua sunt tempa vite. qz quando vis viuim? vel morimur. et iō: *Eripe* me de manu inimicorū meorū et a persequentibus me. *Eripe* de ma. ini. meoz. i. diaboli et oim ministroz eius qui nobis inuident regnum celorum: vnde electi sunt. qui etia nos persequunt. *Uñ* subdit. et a pñ. me. *Maxime* illi psequunt ecclesiam qui cū sint christiani nolunt bene viuere. *Per* hos em opprobriū bz ecclesia. et ab his iūmicias sustinet qñ corripiunt qñ male viuē nō pmittūt. *Itē* quos iste gemēs ait

Illustra faciē tuā sup seruū
tuū: saluū me fac in misericor
dia tua domine: nō cōfundar
quoniam inuocaui te.

Illustra faciē tuā: id ē notū fac hoī
bus qui putant me negligi q̄ facies tua
super me intendat et q̄ ego tibi seruiaz
cum confusio sit modo permixtis bonis
cum malis acsi diceret **A**ppareat q̄ ad
te pertinet cuz modo sit confusio. vnde
in alio psalmo ait. **D**iscerne causam me
am de gente non sancta: ne tamen iustifi
care se videatur subdit. et saluū me fac
o domine non in mea iusticia. non i me
ritis meis sed in misericordia tua: nō qz
ego dignus sum: sed quia tu misericors
es. noli me audire fm iudiciariam seue
ritatem: sed fm misericordissimaz boni
tatem. **S**equitur. et nō confundar id est
non erubescam insultantibus mihi ma
lis ex eo quoniam id ē q̄ inuocaui te non
aliud. vel causa est quare non confūda
tur. **I**deo non cōfundar. quoniam iuo
caui te. pprie qd non mali. **I**nuocas em̄
deum quando in te vocas deuz: quādo
cum in domum cordis tui inuitas: qd
prius necesse est mundari ab vniuersis
sc: dibus et fraudibus. **A**lter enim nō
vere inuocas. **S**i enim inuocas deum:
vt det tibi lucrum lucrum iuocas et nō
deum. **G**ratias ergo dominum inuoca
uare vt te impleat ipse deus. **N**ūquid
sine auro et argento non vis illum ve
nire ad te: **Q**uid ergo de his que facit
tibi deus sufficit: cui deus ipse nō suffi
cit: **M**erito ergo hic rogat: non confun
dar quoniam inuocaui te. **I**nuoca ergo
deum si vis non confundi.

Erubescāt ipii 7 deducāt i infer
nū: muta fiāt labia dolosa.

Erubescant ipij. **Q**ui precor vt non con
fundar. potius erubescāt ipij q̄ lapides
iuocant et dedu. in infernū: id ē vmbri
infernalibus socienē. talem cōfusionē ti
mebat iste. et labia do. que hic garrula
sūt dū non timēt iudiciū muta fiant i

inferno: in penis vt potius dicāt. nos i
sensati vitam illoz estimabamus infan
am 7 c. labia dico.

Que loquūt aduersus iustuz
iniquitatē: i supbia 7 i abusione

Que loquunt iniquitatem aduersus iu
stum: id est contra christum. vel etiaz cō
tra suos. **A**ttende q̄ apte opponit iusto
iniquitatem. loquuntur dico in super
bia. quia creatura contra creatorem ex
tollitur. et in abusione: id est. peruerso
vsu beneficiorum dei. **P**reter vsum nan
qz q̄ de bñficijs solent homines. esse gra
ti fecerant: cum eum qui propter eos ve
nit crucifixerunt. vel fm aliam litteram
que est. loquuntur iniquitatem insuper
et contemptu. id est supbiētes et contē
nētes christum. **Q**ui purū hominem cru
cifixum cū ipsi floreat in mūdo contra
quos ppheta exclamat dicens. **Q**uā
magna multitudo 7c. **P**ossūt hec eti
am ex persona christi accipi ab illo loco
super omnes inimicos m. et dicit christi
fm q̄ homo. fac. s. oppro. sup oēs ini.
me. i. apud omnes iūmicos meos. 7 facti
sū etiā oppbriū vicinis me. val. et tim.
notis meis. et sit distinctō ibi opprobri
um. vel ita. **F**acti sū oppbriū sup oēs in
imicos meos. i. i maiori opprobrio hī
sū q̄ illi q̄ erant digni eo: vt qñ iudei de
gerūt barzaban et christū reiecerūt: et q̄
bus sit facti opprobriū sūdit dices. vici
nis meis valde id est parentib⁹ meis. vel
iam credituris. et timor notis meis: id ē
familiarib⁹ meis. **E**t qui videbant me fo
ras id ē qui me purum hominem puta
bant vt exterius videbar: fugierūt a me
sicut apostoli qui videntes christum cō
prehendi in passione eo relicto aufugie
runt. et obliuioni datus sum vel excidi.
tanquaz mortuus a corde eorum: id est
a mente illoz excidi vt mortuus cui⁹
memoria cum corpore sepelitur: de cui⁹
repatōe despā. et factus sū tā. vas pōi
tum quia mortuus iesus abijciēdus pu
tabatur. et hoc ideo. **Q**uoniam audiui et
tacui vitupatōez mul. com. in circu. er.

rozis. *vt illi qui legem carnaliter et nō spiritaliter intelligebant. vñ qui punctū veritatis in me non attingunt. Si enim cognouissent: nūq̃ dominum glorie crucifixissent. vel in cir. i. in appetitu temporalium. Et in eo vituperio. dum conue. sim. i. omēs. aduersum. m. acci. a. m. consili. sunt. i. facere vt eis consentiret: anima mea. *Ego autem. sciens quia potestas talium nulla est. in te domine spa. et dixi deus meus es tu. i. ma. tu. for. m. vel tempora vite. hoc non mutatur. Sequitur. Eripe me. Q. in te speraui. tu autem. Eripe me de manu inimicorū m. et a perse. m. scilicet de manu iudeorum et demonum. Illustra. fa. t. su. ser. t. i. manifestam fac beniuolentiam tuam super me vt sicut de moriente desperant: Ita de resurgente confidant. vñ subdit. et saluū m. fac in mīa. t. d. resuscitando me. et nō confun. quoniam inuoca. t. hoc non mutatur. Impij vero iudei. et alij non credentes. erub. et dedu. in infer. post hanc vitam. et hic interim. labia dolo. que de me fingunt falsa. muta. fi. manifestatis in me tuis sacramentis. s. passiōis. resurrectionis. redemptionis humane. labia dico: que loquū iniqu. aduer. iust. s. me. et hoc: in sup et in abu. sicut añ hoc exponē. *Ista ergo cernens. et mirans. ppheeta exclamat.

Quaz magna multitudo dulcedinis tue domine: quam abscondisti timentibus te.

Quam magna. Tercia pars vbi dicit que bona dei sunt contra predicta mala que leniant ipsa mala q. illi locuntur aduersum iustum. et superbiunt. sed **O domine** q̃ magna est multitudo dulcedis. tue. i. quam multis modis copiosa est dulcedo tua. qua corrigis. parcis. promittis. qua etiam eos quos emendas: multum amas. q̃ tamē impius non sentit. q̃ palatum cordis perdidit de febre iniquitatis. sed ne securi negligentius agant. abscondisti eis dulcedinem tui amoris.

quib⁹ vtile est timere. te. et hoc est quod subdit quā scilicet dulcedinem tuam abscondisti. i. occultasti. vt plus desideretur. in futuro vero patebit. abscondisti dico: timentibus te. i. tuis. ad hoc vt timeant te. Vel abscondisti timentibus te. scilicet illis non negasti. illis ei seruasti vt soli ad eam perueniant. vt soli eaz habeant. non communem impijs. hanc autem dulcedinem:

Perfecisti eis qui sperant in te: in conspectu filiorum hominum.

Perfecisti. i. perficies. non subtrahens eis. qui non tantum timent. sed et sperant in te. scilicet qui vsque in finem expectant. sperant dico: in conspectu filiorum hominum. id est qui ita sperant. Et non erubescant: de spe sua et fide. sed coram hominibus confiteantur. vñ: dominus in euangelio. Qui me confessus fuerit coram hominibus confitebor et ego eum coram patre meo. Vel ita perfecisti. hanc dulcedinem sperantib⁹ et hoc quidem est. in conspectu filiorum hominum. i. hoc non latet eos. qui non fm adam. sed fm filium hominis viuunt. et si multi inde dubitant. Sequitur.

Abscondes eos in abscondito faciei tue: a conturbatione hominum.

Abscondes eos. Quasi ita est eis dulcedo perfecta. quod Abscondes eos ne videantur ab impijs. in abscondito faciei tue. id est noticie tue. scilicet vt te videant per speciem. Qui modo lates. abscondes dico a conturbatione hominum. id est dum mali homines turbabunt dammati. Vel a conturbatione hominum. vt ipsi iam nullam humanam conturbationem patiantur. De presenti etiam potest hoc accipi. quia etiam modo tribulati. et obprobrius hominum vexati me te intrantes ad vultum dei non turbantur. Sequitur.

Proteges eos in tabernaculo tuo: a contradictione linguarum.

Proteges eos et c. Quia predicta in furore promiserat ne promissio tamen futuri turba-
ret hoc de penitentia addit. **Proteges.** Quia in fu-
turo abscondes et hic inter dum pegrinam
dum maledicte lingue obstreperunt: negantes
futura. proteges eos ne noceant in taber-
naculo: sed in tabernaculo fidei earum repositum
pro nobis dominus: gessit et protulit. id est in ec-
clesia catholica que est tabernaculum fidei-
lium. Tabernaculum enim habitatio est militum
positorum in expeditione. Domus habitatio
est quiescentium. Pugnet ergo in expedi-
tione pegrini ut protegetur in tabernaculo: glo-
sus quiescat in domo celi non manu facta.
sed a quibus protegetur. **Eccc** a contradictione
linguarum. scilicet omnium schismatum et heresum. Diuer-
si enim hereses et schismata personarum sunt que contra-
dicunt veridice christiane doctrine: id tu
curre ad tabernaculum dei: ecclesiam catho-
licam tene. a regula veritatis noli discedere
Benedictus dominus: quoniam
amirificauit misericordiam suam mihi:
in ciuitate munita.

Benedictus deo. Plenitudine beneficij in lau-
de claudit compans illud sue inbecillita-
ti. et loquitur propheta vel populus fidelis.
Quid ultra dicam? nil restat nisi lau-
dare deum. et benedictus sit domini. id est lau-
datus. quoniam post emendationem persecutionum
miri. misericordiam suam mihi. id est. mirabilem
fecit omnibus misericordiam suam non tamen in hierusa-
lem: sed etiam in ciuitate. vel circumstantie. alia
littera id est in toto orbe terrarum. **Disso** enim
spiritu totum mundum repleuit quod dicitur ciuitas
circumstantie. quia circumstabat iudea in qua populus
dei erat quasi in medio gentium. ibique dicebant
laudes deo ibi sacrificia offerebant. ibi
prophetia non cessabat. **Quo** vero in omnibus
gentibus circumstantibus est populus dei in quo dis-
fusa est misericordia. Prius in illa hierusalem quasi in
vase vnguentum christi tenebat: sed nunc
tamquam de fracto vase vnguentum per mundum dif-
fusi est. unde in canticis. vnguentum effusus
est nomen tuum. quia apostoli spiritu sancto in-
uncti: magnalia dei ubique predicauerunt

et de hierusalem fugati quasi ligna ardentia
igne diuino totam siluam mundi feruo-
re spiritus incenderunt: et lumine veritatis
impleuerunt. **Ite** et idem mundus bene dicitur
ciuitas munita. quia sapientia car-
nis et philosophica traditione armatus
erat contra deum. vel miri. deus pater.
misericordia sua id est incarnatio verbi
in ciuitate circumstantie. id est in hierusalem
que est in medio gentium quasi templum fidei.
unde circumiectis gentibus veritas fulsit.
quia ibi christus docuit. passus est. resurre-
xit et cetera sacramenta compleuit. et di-
citur ciuitas circumstantie eo quod a gentibus cir-
cumsitae. unde cor terre quasi vmbilicus
mundi dicitur iuxta illud. et requirit in corde ter-
re: **Siquis**

**Ego autem dixi in excessu me-
tis mee: proiectus sum a facie
oculorum tuorum.**

Ego autem dixi. Loquitur hic populus fidelis qui
ante loquebatur compans dei beneficium sue in-
becillitati. Quia mirificauit dominus misericordiam suam
Ego autem populus fidelis superius loquens dixi. in
excessu vel extasi mentis mee. id est in pauore
meo cum in me horribiliter seirent gen-
tes. qui pauor dicitur excessus. quia a rati-
one excessit timendo. **Proiectus** sum secundum
penam et secundum culpam: a facie oculorum tuorum
Si enim me respiceres non ista pati sine-
res: si in facie tua essem non ita timerem sed
dicitur in alio psalmo. **Si** dicebam mo-
tus est pes meus misericordia tua adiuu. me. unde
et hic subdit.

**Ideo exaudisti uocem orationis
mee: dum clamarem ad te.**

Ideo exaudisti. Quasi. Quia confessus
sum lapsum meum. quia non superbus
extiti: sed cor meum accusaui. quia in tri-
bulatione titubans ad te clamaui. **Ideo**
non me timentem et pusillanimum abie-
cisti: sed exaudisti vocem orationis mee
modum ponens emendationi: secundum ut
ferre valis: ostendes me ad te pertinere. et hoc
fecisti indilate. scilicet dum clamarem. id est.
nimis intenderem ad te. **Clamor** enim fit ad
deum non voce sed corde. quia multi silen-

tes labijs vt moyses clamauerunt corde multi ore si repentes corde aduerso nichil impetrare potuerunt. Clama ergo intus. vbi audit deus. attende hoc totus in petro. i. quo nostri timoris typus precessit. qui: iudeus dominum ambulans super aquas. putauit esse fantasma. cui dominus ait. Ego sum noli timere. Confidit petrus. et dixit. Domine si tu es. iube me venire ad te super aquas. quasi hinc proba. si tu es. si in verbo tuo potero quod potes. et ait illi. veni. et ad verbum iubentis: facta est potestas audientis. Descendit enim et cepit ire intrepidus. tanquam in illo sperans. Videns autem ventum validum venientem timuit. et cum cepisset mergi: clamauit. Domine pro eo. hoc est quod iste ait. Ego dixi in excessu meo. pie. f. a. fa. o. t. et hoc est quod in alio psalmo dicitur. si dicebam motus est. p. meus. Iesus autem porrigens petro manum: leuauit eum. hoc est quod hic subditur. Ideo exau. vo. ora. m. hoc idem est quod in alio psalmo dicitur. Misa tua adiu. m. vel excessum mentis hic dicit. qui sit. quando mens rapitur ad superna. unde: recognoscit huius perigrinationis miseriam. Rapta enim mente sursum: vidit iste altitudinem dei. ex qua sensit dum est in hac vita se esse plectum valde longe a contemplatione luminis dei. Et quia hoc humiliter plangit. et amissum in primo parate. bene reddi sibi precatur: ideo exauditur a deo. unde subdit. Ideo exaudiuit vocem orationis mee dum clam. ad te: hoc non mutatur.

Diligite dominum omnes sancti eius quoniam veritatem requirit dominus: et retribuet abundanter facientibus superbiam.

Diligite dominum. Hic est conclusio hortatoria. hic enim iterum hortatur propheta. q. pro his predictis. Diligite dominum. vel hic loquitur populus fidelis. qui predicta expertus: iam noshorta

tur. O. tribulatus sum. clamaui. timui. non sum confusus. ita: et vos exaudiemini. si dilexeritis deum. et ideo: Diligite dominum. auctorem tanti beneficii. o vos omnes sancti eius. quorum est diligere deum. quia non amant mundum. neque in mundo sunt. Amicus enim huius mundi. inimicus dei constituitur. Disce ergo non diligere mundum: vt discas diligere deum. auerte. vt conuertaris. fide vt implearis. Ideo diligite. quoniam dominus requirit veritatem. veritas est vt creatura seruiat creatori. hanc in futuro requirit dominus. etiam a sanctis quando vix saluabitur iustus. et si iustus vix saluabitur. impius et peccator vbi parebit? tunc: retribuet abundanter facientibus superbiam. seuiundo contra nos vel generaliter omnes qui eum contemunt faciendo contra iussa dei. i. retribuet his qui abundanter faciunt superbiam. qui nec conuicti. conuertuntur quia multum superbiunt omnes etiam abund. faciunt superb. qui non cito penitent. de quolibet criminali peccato. Superbiam enim ponit pro omni vicio. quia radix est omnium viciozum. Hic etiam in presenti aliquibus aliquando retribuit et dominus. vt superbos humiliet. quod ideo fit. quia si nulli hoc faceret: non videret vigilare diuina prouidentia si oib. hoc faceret: non seruaret diuina potentia vt ergo patiens et iustus appareat aliquibus et non omnibus: hic retribuit.

Viriliter agite et confortetur cor uestrum: omnes qui speratis in domino.

Viriliter agite. Quasi retribuet in futuro. interim ergo: Viriliter agite. ne sit otiosa dilectio. sed indefinenter bonum operetur. vt bonum sine defectu operantes suo tempore. sine defectu metatis. et si graua occurrant. que supra dixi. confortetur cor uestrum omnes qui speratis in domino. In hoc versu exprimitur virtus et intentio totius psalmi. scilicet ne carnis fragilitas: timeat tot mala. Sequitur

Intellectus dauid:

Intellectus dōi. Ps iste agit de grā et mīa dei qua christiāi sumus. vñ apls i epistola ad romanos ex hoc psalmo argumētū grē sumit ptra illos q de opibus legis glānt. et merita ppra iactāt i dicēs bñtudinez eē illi? homīs: cui de? accepto fert iusticiā sicut ait ppheta. **Beati quoz** 7 c. Et agit iste ps maxie ptra vicia hoīm: qui vel peccata sua nesciūt vel cognita defē dūt. et merita iactāt. Contra docens vt pcořes nos agnoscam? et peccata accusē. ac bona grē dei attribuam? Cōtra viciū ergo hoīm hic ps opponit ne q̄s putet deo absconditū qd i pscia habet occultū: vñ cōgrue de itelligētia pretitulatur. et ē sensus tituli. **Hic ē intellectus dō** id ē penitētis in cuius psona hic loquit dō id est hic docet quid intelligere debeas si vñ penitēs es vel penitere vis. **Primo** itelligas te peccatores esse post si cepis bonū facere ne virib? tuis tribuas. verbis te iustificās: sed grē dei vt nō sit dolus i corde. Et est iste ps secundo penitentialiū diuersus a pmo. In pmo ei penitens tiorē iudicij plorat. in isto peccata que tacuerat grauitē afflictus cogitur confiteri. **Intentio** monet ad penitentiam. **Modus** quattuor sunt partes. **Primo** dicit inītiū boni esse per indulgentiam dei. se vero sequentem illud viciū hominum fuisse miserum: sed per manum dei conuersum ad verum intellectum: ad quem opportunius expert? casum alios deceptos reuocat in quo 7 stantes confirmat. **Secundo** agit de cōfessione vnde est venia ibi. **Delictū** meū cognitum. **Tercio** plenitudinem cōmendat ibi. **Pro** hac orabit. **Quarto** ponitur letus finis vbi dicitur deus dare intellectū ibi. **Intellectū** tibi dabo. **Gratiā** itaqz cōmendās ppheta inītiū boni p indulgentiā dei eē oñdit dicēs

Beati quoz remisse sūt iniquitates: et quozū tecta sunt peccata.

Beati quoz remi. sūt iniqui. **Nō** dicit in quibus nō inuenit peccatū. nā in omnibus inuenit: sed quibus rēmittit nihil boni fecisti. et dat tibi remissio peccatorū. Debat vindictā ex culpa tua. dat indulgentiā ex grā sua. **Valis** em opib? debet damnatō. sicut bonis debet regnū celorum. **Si** reddat ergo tibi quod debetur puniendus es. non tibi reddit deus debitam penam: sed donat indebitaz gratiam. **Nemo** ergo iactet opera sua ante fidem. nemo sit piger in operibus bonis accepta fide. **Dat** enim deus indulgentiam impijs: et eos iustificat ex fide. **Incipitur** ergo iustificatio fidei per indulgentiam. **Iniquitates** autem dicit fomitem peccati scilicet concupiscibilitatez que ante baptismum non tantum pena. sed et culpa est. non utiqz actualis: sed originalis. post baptismum vero pena est et non culpa. **In** baptismo enim deletur originale peccatum non vt non sit. sed vt peccatum vltra nō sit. ideoqz congrue dicit. **Beati quoz remisse sunt iniquitates** id est mitigate per gratiam vt non regnent in mortali corpe: cuius rei causa est q in baptismo tecta sunt peccata vnde subdit. et quorum peccata scilicet originalia. et si qua sunt actualia: tecta sunt id ē coopta et abolita. **Si** ei deus texit peccata noluit aduertere. **Si** noluit aduertere noluit aniaduerrere. id ē punire. **Noluit** agnoscere sed ignoscere non ergo dicit tecta peccata tanquā ibi sint et viuant: sed ita deleta vt deus nō videat id est puniat eternaliter. **Videre** enim dei peccata est punire. vnde alibi. **Auerte** faciē tuā a peccatis meis. et dicitur hoc a simili. **Ita** enim teguntur peccata in baptismo: sicut egyptij insequentē israhel tecti sunt in mari rubro. **Nec** hoc sufficit q in baptismo teguntur peccata nisi inde caueat ab eo: qd deus iputat id ē a criminali. vnde subdit.

Beatus uir cui non iputauit dñs peccatū: nec est i spū ei? dolus
Bea. uir cui nō ipu. do. pec. i. qui sibi ca-